



## ARON ALBAHARI / PONOVO SE TEŠANJSKOM ČARŠIJOM ZAČULO PREZIME ALBAHARI

Tesanj Net 24.05.2018. Ljudi Komentariši

### Sa promocije knjige "Nisim Albahari, tragični revolucionar" autora Amira Brke

Krajem aprila ove godine imao sam posebno zadovoljstvo da, kao jedan od pozvanih gostiju iz porodice Albahari, prisustvujem promociji knjige čiji je autor tešanjski pjesnik, prozaista i kulturni istoričar Amir Brka. Knjigu "Nisim Albahari, tragični revolucionar" objavio je Centar za kulturu i obrazovanje Tešanj, a ona na svojih 342 strane donosi zanimljivu građu iz života Nisima Albaharija, ali i o istoriji dolaska, života, pa, nažalost, i stradanja Jevreja u Tešnju tokom Drugog svjetskog rata, sa posebnim osvrtom na brojni tešanjsku porodicu Albahari.



Sa promocije: Bojan Albahari, Aron Albahari i dr. Husnija Kamberović

#### REKLAMA

← Oglasi od Google

Ne prikazuju ovaj oglas

Zašto ovaj oglas? ⓘ

#### OD TESANJ NET

SEAD MAHMUTEFENDIĆ / BUDUĆNOST, U ONOM ŠTO JE PROŠLO

Mlade nade / SindromZ objavili video spot za pjesmu Sayonara

Svečano otvorena školska dvorana u Kaloševiću

#### OD TESANJ NET

SEAD MAHMUTEFENDIĆ / BUDUĆNOST, U ONOM ŠTO JE PROŠLO

Mlade nade / SindromZ objavili video spot za pjesmu Sayonara

Svečano otvorena školska dvorana u Kaloševiću

Start up ideje mladih – online obuka

MANN+HUMMEL BA zapošljava elektromehaničara

Održana 42. sjednica Vijeća – Općina Tešanj

Prijave za poticanje jesenske sjetve u 2020. godini

OGLAS za prijem u radni odnos

OGLAS za prijem u radni odnos

ODLUKU o izboru najpovoljnijeg ponuđača – JZU Dom zdravlja Tešanj

OGLAS za prijem u radni odnos

DR. TONKO RAJKOVAČA

KONKURS za dodjelu specijalizacije

OGLAS za prijem u radni odnos

ODLUKU o izboru najpovoljnijeg ponuđača – JZU Dom zdravlja Tešanj

Autor knjige, Amir Brka, svojim temeljnim i savjesno posvećenim istraživanjem i radom u vremenu od dvije godine uspijeva da na jednom mjestu sakupi i sažme najkompletnije informacije, kako o Nisimovoj porodici i njenom porijeklu tako i o njegovom životu i djetinjstvu u Tešnju, ali i o njegovom naprednom predratnom političkom angažovanju, a potom i učešću u antifašističkoj partizanskoj borbi. U knjizi su predstavljene i detaljni historijski podaci o široj porodici Albahari, kojoj je pripadao i Nisim, kao i putevi i pravci ukupnog doseljavanja Jevreja u Bosnu iz vremena osmanske vladavine, sa, naravno, posebnim osvrtom na njihovo doseljavanje, život i rad u samom Tešnju. Historijski informativno i detaljno date su i opisane i okolnosti, kao i navedeni oni akteri koji su, nažalost, učestvovali i u njihovom stradanju tokom Drugog svjetskog rata, uz predočavanje u samoj knjizi i spiskova sa imenima žrtava koje autor nalazi i prezentuje iz više izvora. Knjiga bogato i ilustrativno, kako informacijama tako i brojnim slikama, govori i o poslijeratnom vremenu i društvenim aktivnostima Nisima Albaharija, ali donosi i zanimljive, bitne i ljudske sudbine preživjelih, posebno iz više ogranaka porodice Albahari, pa do današnjih dana.

Ovo je sigurno najsažetiji i najkompletniji zbir svih relevantnih informacija o Jevrejima Tešnja, posebno tešanjskim porodicama Albahari, kao i Nisimu Albahariju, našem sunarodniku i narodnom heroju po kome i jedna ulica u Tešnju danas nosi ime.



**Bojan i Aron u Ulici Nisima Albaharija u Tešnju (28.4.2018.)**

U onom ličnom dijelu svakako želim naglasiti da sam imao zadovoljstvo da u vremenu od bezmalo godinu i po dana kontakata sa autorom ove vrijedne knjige djelimično dam i neke podatke, ali i da pratim njeno nastajanje i uobličavanje u jedan vrijedan dokument, koji će sigurno puno značiti i pomoći u očuvanju uspomene na Jevreje Tešnja, čijem ogranku pripadam i sâm preko moga dede Šabetaja Albaharija.

Na dan promocije knjige, u petak 27. aprila, u dobrano punoj sali Centra za kulturu i obrazovanje u Tešnju, uz moderatora Miralema Brkića, urednika knjige, o knjizi su govorili njeni recenzenti profesori na Filozofskom fakultetu u Sarajevu dr. Husnija Kamberović i dr. Enver Kazaz (potonji ujedno i autor pogovora), zatim kulturolog iz Banja Luke mr. Srđan Šušnica, a kao gosti koji su takođe imali zadovoljstvo i čast da se ovom prilikom obrate skupu bili su Bojan Albahari, dipl. kulturolog, sada u Ljubljani, a radi "lakšeg" prepoznavanja recimo: sin pok. sarajevskog predratnog glumca Vanje Albaharija, i moja malenkost, Aron Albahari. Ovome dodajmo i da je recenzent knjige, iako odsutan, i književnik i kulturolog Ivan Lovrenović.

Koliko je, osim društveno, sociološki, istorijski, ova knjiga vrijedna i ljudski, ponajbolje govori i jedna anegdota, možda mala po događaju, ali velika po simbolici. Kada smo moj rođak Bojan i ja sutradan sunčanim jutrom šetali ugodnom tešanjskom čaršijom, na više mjesta oblijepljenom plakatima sa naslovnicom knjige i pozivom na njenu promociju, na kojima su pisala i naša imena, iza leđa začuli smo jedan dugo godina već neprozboreni poziv i uzvik u toj čaršiji: "HEJ, ALBAHARI...!" Čovjek koji je to uzviknuo prišao nam je, pozdravio se sa nama, rekavši da je juče bio na promociji knjige, te, zahvaljujući tome, eto, prepoznao nas, i da mu je drago da nas tog jutra sreće i pozdravlja na ulicama Tešnja.

Pišući knjigu i istražujući dokumenta za njen sadržaj, Amir Brka uložio je veliki trud da ona bude što potpunija i tačnija istorijskim i porodičnim podacima, ali ukupnost njenog objavljivanja i aktuelizovanje podsjećanja na Jevreje Tešnja kroz ovaj poziv tog jutra u tešanjskoj čaršiji svakako nosi i jednu posebnu ljudsku vrijednost. Zato, hvala autoru ove knjige što nam ju je podario!

(Izvor: Jevrejski glas, Sarajevo)

## O TESANJ NET



Prethodna  
Omladinska nogometna liga BiH  
– grupa "Centar B": Najava 22.  
kola.

Slijedeća  
Prijemni ispit za upis u I razred  
Odjeljenja muzičke škole

## KOMENTARIŠI

Morate biti prijavljeni da biste objavili komentar.

Održana 42. sjednica Vijeća – Općina Tešanj

Prijave za poticanje jesenske sjetve u 2020. godinu

O G L A S za prijem u radni odnos

O G L A S za prijem u radni odnos

ODLUKU o izboru najpovoljnijeg ponuđača – JZU  
Dom zdravlja Tešanj

O G L A S za prijem u radni odnos

DR. TONKO RAJKOVAČA

K O N K U R S za dodjelu specijalizacije

O G L A S za prijem u radni odnos

ODLUKU o izboru najpovoljnijeg ponuđača – JZU  
Dom zdravlja Tešanj

Svi članci (6360)

**vimeo**

**Anpassbarer Player.**  
Ein Vimeo-Feature

Mehr dazu